



Nastavlja se istraga u akciji „Koverta”

U mrežu pada još osam osumnjičenih?

Među njima su i neki vlasnici pilana

Istraga Tužilaštva Unsko-sanskog kantona (USK) u akciji kodnog naziva „Koverta” je aktivna, a u policijsko-tužilačku mrežu moglo bi upasti još nekoliko osumnjičenih, saznaje „Avaz”.

Nezvanično, za sada se radi o ukupno osam osoba, među kojima su i neki vlasnici krajiških pilana.

Kao što je poznato, pripadnici Državne agencije za istrage i zaštitu (SIPA) uhapsili su Đevada Muslimovića (SDA), direktora Šumskog privrednog društva (ŠPD) „Unsko-sanske šume” i njegovog vozača Hajrudina Pehlivanovića, a prethodno je uhapšen Enes Karić, zamjenik upravnika Šumarije „Sana”, u čijem je privatnom

automobilu pronađeno 20.000 KM obilježenih novčanica koje mu je predao pilanar iz Bihaća koji je mjesecima saradivao s Tužilaštvom USK.

Sva trojica dobila su 30 dana pritvora u Kaznenopopravnom zavodu (KPZ) „Luke” u Bihaću.

Skoro neprimijećeno je ostalo da je prvog dana akcije uz Karića uhapšen predsjednik Nadzornog odbora (NO) ŠPD „Unsko-sanske šume” Dževad Pehadžić iz Ključa. On je ubrzo pušten.

Pehadžić je, nezvanično, višegodišnji vlasnik pilane „Džeri” u Ključu, ali je ovaj privredni subjekt zbog sukoba interesa prijavljen na njegovog brata.

M.D.